



廟學典禮應繙譯者

胡都虎塔魯忽解訛魯不朶扎魯火赤

改呼圖克和塔拉和坦諤嚕博克達扎爾固齊

蒙古語呼圖克福也和塔拉普徧也和坦城也博克達聖也札爾固齊斷事人也

木忽解

改蒙格德依蒙古語有痣也

達魯花赤

改達嚕嚕齊蒙古語首領也

也里可溫

改葉爾尅回地名

達失蠻

改達什愛滿達什唐古特語吉祥也愛滿部落也後失蠻同此改

合罕

改哈干蒙古語君也



闊單 改庫德蒙古語寬甸也

薛禪 改埽察 蒙古語坐位也

合思八國師 改怕克巴 唐古特語聖也查元史有國師名八合思八故元史語餘改怕克巴其八字蓋落也

和禮霍孫 改和尔郭斯 蒙古語牲畜遺失也

赤徹兒怯薛 改察察尔 集賽 蒙古語察察尔涼棚也集賽輪流值班之謂

德仁府北裡兀納發茶迭時裡 德仁府北裡似不應譯

改鄂諾勒嗜察克台什里 鄂諾勒嗜蒙古語思慮也察克台蒙古語隨時也什里蒙古語選拔也

王桑哥 改桑嗜梵語僧也

柳林裡阿里搭阿察折兒內眾學士做怯里馬赤

改阿勒坦察察尔 克埽穆尔 齊

阿里塔阿察折兒改阿勒坦察察尔蒙古語金涼棚也怯里馬赤改克埽穆尔齊蒙古語通事也

阿理沙 改阿爾善 蒙古語甘露也

忽都歹兒怯薛

改呼圖克台 蒙古語有福也怯薛照前改

撒里蠻 改哲哩默 蒙古語馬韁繩也

也可怯薛 改伊克 蒙古語大也怯薛照前改

昔博赤八刺哈孫

改錫保齊巴勒噶遜 蒙古語錫保齊養禽鳥人也

舍兒別赤貼哥帖木兒必闌赤刺真脫脫

改什巴爾齊特穆特格爾必齊齊納沁托克托

舍兒別赤改什巴爾齊蒙古語木匠也貼哥改特格蒙古語鈎也帖穆兒改特穆爾蒙古語鐵也必闌赤改必齊齊蒙古語寫字人也刺真改納沁蒙古語鴉鵲也脫脫改托克托蒙古語定也

荅兒渾幹脫赤探花赤秀才等

改達爾罕鄂托克齊

荅爾渾改達爾罕蒙古語有勤勞免其當差之

謂幹脫赤改鄂托克齊蒙古語部屬也

吉沙不丁唐古凡脫因等

改格卜什巴勒丹唐古特托音 吉沙格卜什唐古特語教經之師也

不丁改巴勒丹唐古特語有威也唐古凡改唐古特西蕃部各脫因改托音蒙古語僧也

帖哥帖木兒刺真脫脫 改俱見前

月兒魯那延改塔魯諾延 塔魯見姓普諾延蒙古語官長之稱

兀都牙怯薛改阿都台 兀都牙改阿都台蒙古語有姓畜慶也怯薛照前改

脫脫又木 改察楚克又木改察楚克蒙古語蕙也脫脫照前改

集賽應從前文解同前

火兒赤脫歡速古兒赤禿林牙玉龍帖木兒音寶赤
只兒哈即只兒哈

改浩尔齊托歡舒庫尔齊圖列台伊魯特穆尔錫
保齊齊尔噶朗濟尔噶火兒赤改浩爾齊蒙古語吹胡琴人也脫歡故托歡

蒙古語釜也連古爾赤改舒庫爾齊蒙古語司織人也禿林牙改圖列台蒙古語燒柴也玉龍帖木兒改伊魯特穆爾伊魯蒙古語平常也特穆爾同前解昔寶赤改錫保齊同前解只兒哈即只兒哈改濟爾噶朗
濟尔噶蒙古語安逸也

忽土刺帖木爾札撒孫帖木爾不花必闌赤威可乖

對

改和塔拉特穆尔扎薩固遜特穆尔布哈必齊齊

蒙克托迪忽土刺改和塔拉蒙古語普徧也札撒孫改札薩固遜蒙古語掌班序官也不花改布哈蒙古語犍牛也威可改蒙克蒙古語經常之經也乖對改托迪蒙古語鸚鵡也餘語俱照前改

脫因答失蠻玉都寶也可倒過别不花

改托音達什愛滿額特布延克圖呼必布哈

玉都改額特蒙古語財也寶也改布延蒙古語福也可倒改克圖蒙古語超也過别改呼必蒙古語分地也餘俱照前改

帖木爾明里不花明里改穆尔蒙古語踪跡也餘俱照前改

禿禿哈哈刺赤不憐告歹

改托克托哈哈鳴拉克齊布琳齊達禿禿改托克托蒙古語改

見前哈哈刺赤改哈嚕托克齊蒙古語斷也不憐也
改布琳蒙古語全也吉歹改濟達蒙古語長鎗也

廟學典禮卷一

選試儒人免差

丁酉年八月二十五日皇帝聖旨道與呼圖克和塔拉和坦諤魯博克達札爾固齊人每官每自來精業儒人二十年間學問方成古昔張置學校官為廩給養育人材今來名儒凋喪文風不振所據民間應有儒士多收拾見數若高業儒人轉相教授攻習儒業務要教育人材其中選儒士若有種田者輸納地稅買賣者出納商稅開張門面營運者依行例供出差發除外其餘差發

並行蝕免此上委令斷事官蒙格德依與山西東路徵
收課程所長官劉中適諸路一同監試仍將論及經賦
詞義分為三科作三日程試專治一科為一經或有能
兼者但不失文義者為中選其中選儒人與各住處達
魯噶齊管民官一同商量公事勾當者隨後照依先降
條理開闢舉場精選入仕續聽朝命准此

秀才免差發

羊兒年三月初一日欽奉聖旨條畫節諫一款應州城
裏村子裏的達魯噶齊官人每過往宣使每已前的聖

旨如今也罷了者咱每的聖旨裏和尚每葉尔羌温
每先生達什爱滿每的体例裏漢兒河西秀才每不
揀甚麼差發徑役不教當者秀才的功業學習者說來
的聖旨体例裏這的每河西田地裏住坐的高智耀為
頭兒秀才每執已行打的聖旨與了也這秀才每鋪馬
祇應休拿者地產物業不揀他每是甚麼休爭奪無体
例的氣力休教到者這秀才每兄弟孩兒每秀才的功
好生習學者這秀才每却着文字有聖旨不是秀才阿
差發根底趨閃將別人自己休隱藏者別人根底無体

例的氣力休教到者若隱藏無体例氣力到不怕那甚

麼他每聖旨俺的 羊兒年二月二十六日青字根底

有時分寫來至元十六年二月浙東道提舉司齋擊前

件檢會到大興府欽奉聖旨至十月十五日宣慰司開

讀 高學士諱智耀字顯道河西中興路人也世為西夏

某仕至中書右丞相夏設蕃漢二科以取士蕃科經賦

與漢等特文字異耳公巍然擢第授簽判未及大用天

兵西役夏人舉國歸附公隱處賀蘭山哈干罕皇帝嘗

問公左右故大臣家有子孫在者否以公對召見上撫存

鎮西涼令民間立傳置士亦與焉眾請于公遂乘驛走

十里諸藩府進見難遽陳儒者事適太子懸一筮于木

上募有能吹響者大賞之公應募而前太子大悅公曰

本家世業儒粗知音樂兵燹之餘某家樂工尚有存者

曰公乘駟往取之公遂言西州多士昔嘗給復今置傳

與編氓等乞與蠲免太子從之公奉旨歸取樂工復往

西涼太子喜欲官之公不就不受重賞而歸久之蒙克

三網五帝即位公復以儒人差役事北上奏陳儒者之能

無者故有國家蠹其繇役以養成之曰備陳堯舜禹湯

文武周公孔子之道有補于世非區區技術者所能萬

一上曰有是乎此至美之事也前未有與朕言者遂詔

公曰河西儒戶徭役悉除之無所與掃察皇帝居潛藩

明學典禮

卷一

三

非全不可儒者學問亦有高下謂之非儒亦不可上為之
 釋然時庶事草創綱紀未張公奏曰前代者有御史臺為
 天子耳目所以肅官常整治具誠不可闕上命宰臣記
 其事越明年命立御史臺是用公議久之有權臣欲令
 儒戶與民給徭役者公奏曰昔孟嘗君一列國陪臣耳
 尚養士三千人至今誌之今陛下富有四海皆為臣妾
 儒在其中萬分一耳除之何補於政然使之安意講習
 幼學壯行為治理助其効不亦多乎陛下何惜此而不
 為也上以為然權臣之議遂格未幾上命公為西夏中
 興等路提刑按察使公以廉勁自將處事公允有僧道
 戒律撓官法者有司莫敢誰何公遣駟奏之奉旨詰治
 不少守境內為之肅然其直而不撓類如此解任入覲
 上方擇人將命北行者公毅然請行上問公方畧如何
 云一一為上陳之大稱上意此行以病終上甚哀悼之
 公年六十有六娶西夏駙馬梁氏女子長壽仕至僉江
 淮等處行樞密院事睿今為江南浙西道肅政廉訪司

先聖廟歲時祭祀禁約搔擾安下

中統二年六月欽奉聖旨節該先聖廟國家歲時致祭
 諸儒月朔釋奠宜恒令洒掃修潔今後禁約諸官員使
 臣軍馬毋得于廟宇內安下或聚集理問詞訟及褻瀆
 飲宴管工匠官不得于其中營造違者治罪管內凡有
 書院亦不得令諸生搔擾使臣安下欽此

設提舉學校官

中統二年八月欽奉聖旨諸路學校久廢無以作成人
 材今擬選博學洽聞之士以教導之據某人可先某處
 提舉學校官凡諸生進修者仍選高業儒生教授嚴加

訓誨務要成材以備他日選擢之用仍仰各路官司常切主領敦勸宜令准此

官吏詣廟學燒香講書

中書省至元六年四月欽奉聖旨定例條畫內一款該提刑按察司官所至之處勸課農桑問民疾苦勉勵學校宣明教化若有利害可以興除者申臺呈省欽此除已遵依外事有似緩而寔急者學校是也蓋學校者風化之本出治之原也照得隨雖有設立學官其所在官司例皆看同泛常不為用心勉勵以致學校之設有

名無寔由是吏民往往不循理法輕犯憲章深不副朝廷肅清風俗宣明教化之今移文各路遍行所屬如遇朔望日長次以下正官同首領官率領僚屬吏員俱詣文廟燒香禮畢從學官主善請講堂同諸生并民家子弟願從學者講說經史更相授受日就月將教化可明人材可冀外據所任鄉村鎮店選擇有德望學問可為師表者於百姓農隙之時如法訓導使長幼皆聞孝悌忠信廉恥之言禮讓既行風化自厚政清民醇止盜息奸不為小補

設提舉學校官及教授

中書吏禮部至元六年十一月初八日劄付該先准翰林院牌開坐到隨路見設提舉學校官呈奉都堂鈞旨通照擬隨路合設人員同品級連呈事奉此照得舊例外路學校教授一員別無另設提舉學校職名止是隨路府州長貳或運司文寶官兼充即日隨路已設提舉學校欽受宣命及見用從六品印信勾當公議得各路提舉學校官除見欽受宣命人員擬合依舊存設其餘亦擬行罷去擬合并散府上中州依舊例設立教授一

員各路作正八品散府上中州作從八品開坐下項事理呈奉到都堂鈞旨送本部准擬施行奉此省部合下仰照驗依呈奉都堂鈞旨准擬事理施行仍開具選到人員官吏保結申來以憑定奪施行 一提舉學校據欽定宣命人員擬合依存設其餘委用人員擬合罷去 一諸路散府上中州擬依舊例合設教授一員若有已設教授乞行下各路体究委是德行學問通曉文字可以為後進師範之人擬合委保申省依舊勾當如体究得不應及闕員去處令各處官司取問衆儒人提舉

保申体究相應許令勾當若本擬委無堪充師範之人許於別州府依上踏逐相應之人勾當

劉付河南道按察使

釋奠服色

中書吏禮部至元十年二月二十九日符文承奉中書省判送大司農御史丞兼領侍議司呈至聖文宣王用王者禮儀御王者衣冠南面當坐天子供祠其于萬世之絕尊千載之通祀宜莫如吾夫子也竊見外路官員提學教授每過春秋二丁不變常服以供執事於禮未宜及照得漢唐以來祭文廟饗社稷無非具公服執手

板行諸祭享之禮且鄉人惟孔子猶朝服而立於阼階先聖先師安得不備禮儀者乎釋老二家與儒一体彼皆黃冠緇衣以別其徒獨彼孔門衣服混然無以異於常人者自此以往擬合令執事官員各依品序穿着公服外擬陪位諸儒亦合衣襴帶唐巾行釋菜之禮似為相應批奉都堂鈞旨送吏禮部擬定連呈省部議得衣冠所以彰貴賤表誠敬况國家大禮先聖先師不必援釋老二家之例凡預執事官員及陪位諸儒自當謹嚴儀禮以行其事參詳如准侍儀司所呈以為相應乞賜

遍行合屬春秋二丁除執事官已有各依品序製造公服外擬陪位諸儒自備唐巾以行釋菜之禮呈奉都堂鈞旨送本部牒翰林院議定連呈奉此移牒翰林院議擬去來回准牒該照得貴部議擬是為相應准此呈奉都堂鈞旨送本部准呈施行

儒學提舉司行移體例

浙東道宣慰司至元十六年十一月初四日劄付該來呈見授奉訓大夫浙東道提舉照得早職係是五品未知與隨路總管府如何行移合無與鹽使司一體設立

都目司吏乞照詳定奪事使司得此相度提學之職訓導之官難司有司除都司司吏別無定奪外擬行移一節照行元奉行省劄付照會諸不相統攝應行移者品同往復平牒正從同三品于四品五品並令故牒六品以下皆指揮回四品牒上五品牒呈上六品以下並申已下各路照會去訖今據見呈合下仰照驗若有必合行移事理依上施行

劄付浙東道提督李崇霄

郡縣學院官職員數

行中書省至元十九年正月日劄付該據浙東道宣慰

司呈照得近准江南浙西道提刑按察司牒本道既有
儒學提舉司衙門其各路提學職事委是不應設立請
照依鎮江路體例將其餘路分提學職名一体革罷事
准此早司勾請到儒學提舉司正官赴司一同議得擬
將儒學提舉司元設提管糾彈司計人等依准按察司
牒截日罷去擬各路儒學提學人員除平江路提學勾
煒係欽受宣命勾當已經任滿離職并杭州路儒學即
係上路生員數多已設提學孫朝瑞係省府准擬移咨
中書省聞奏人員擬合依舊勾當外其餘路學元設提

學人員擬合革去外擬儒學提舉司設擬都司一員司
吏二員外擬本司議擬到儒學合設職名員數依准所
擬開坐行下儒學提舉司依上施行仍將額外濫設員
數截日革去并具呈行中書省回牒按察司照驗去後
今准按察司牒該來牒議擬到各處合設儒學職名員
數行下本道儒學提舉司依上施行及將額外濫設員
數截日罷去具呈行中書省照驗外請照驗施行事當
司准此議得各處合設儒學職員除依准貴司議擬外
據見設訓導官并各縣學正學錄是為冗濫據此今將

各處合設職員開坐前去合行移牒請照驗備去事理
 依上施行外據各處見設訓導官并各縣學正學錄職
 名並行革去仍希依准公文回示准此卑司除已行下
 本道儒學提舉司依准按察司牒文字理施行合行開
 坐具呈中書省乞照驗得此送准浙東道宣慰司再從
 長講完得若准浙西道所擬員數是為相應省府除外
 今將擬定設各名員數開坐前去合下仰照驗施行
 總管府教授二員錢糧官二員學正學錄各二員齋長
 諭各一員 散府教授二員錢糧官一員學錄學正各

一員齋長諭各一員 書院山長二員錢糧官一員學
 錄學正各一員齋長諭各一員 縣學教諭二員錢糧
 官一員齋長諭各一員 割付浙東
道宣慰司

歲貢儒吏

御史臺至元十九年九月日承奉中書省割付近為朝
 廷選補掾吏無法擬定中書省掾于樞密院御史臺內
 令史勾取院臺令史於六部令史內勾取六部令史以
 諸路歲貢人吏補充內外職官材堪省掾及院臺部令
 史者亦許擢用已經行下吏部依上施行去訖都省議

得省掾考滿出而臨民入而事上省品既高責任亦重
沂流尋源皆自歲貢中出由是言之歲貢儒吏若不先
加教養次以餘次收之必將苟且以求僥倖人材失真
所關匪細比及設立科舉以來定到下項事理承此本
臺咨請照驗施行 一諸路府直隸者有受勅教授仰
本路官將管下免差儒戶內選揀有餘間年少子弟之
家須要一名入府州學量其有無自備束修從教授讀
書修習儒業若無餘間子弟可以讀書不得椿配責要
本路官朔望拜廟就如省視勿令廢替非儒戶而願從

學者並聽秋季本司參佐因本學官就學試驗擇學業
有成名子弟近上者充府州學生仍申本州照會標入
學生之籍依舊學肄業若遇本道按察司及本路總管
府歲貢之時仰本司本路行下本學教授干係籍儒生
內選試行義修明文書優贍深通經史曉遠時務可以
從政者保申本司再行體覆相同然後貢解 一各路
司吏有關須于所屬諸衙門人吏內先選行止廉慎次
論才幹明敏然後勾取委本路長官參佐同儒學教授
立考試擇行移有法算術無差字畫謹嚴語言辨利能

通詩書論孟一經者為中程式仍取考試官保的文狀
然後補充本州司吏外此不許濫收違者有責按察司
書吏有關府州司吏內勾補至歲貢時本司本路挨次
上名再行試驗相同依額貢解一歲貢人額按察司
上路總管府三年一次貢二名儒一名吏一名下路總
管府二年一次貢一名儒吏遞進一六部令史除補
院臺令史外諸道行省掾亦擬差補

咨行御史臺

都省復還石國秀等所獻四道學田

中書省至元二十年九月十六日咨該據進浙東宣慰

司石國秀等呈獻江東江西浙東浙西等四道亡宋時
元撥贍學田產若令石國秀等充學產總管府總領辦
鈔三千定換給各人宣命不致埋沒等事為此移咨文
該學校之設務在養賢若將學田官為拘收士類無以
奉養賢才由此而廢若令各學依舊管領似為相應准
此方欲施行聞人據御史臺呈亦為此事都省議得江
南贍學田產所收錢糧令所在官司拘收見數明置簿
另行收貯如遇修理廟宇春秋釋奠朔望祭祀官府請
給住坐生員食供申覆有司照勘端的依公支用若有

者宿名儒寔無依倚者亦於上項錢內酌量給付養贍
毋令不應人員中間虛費錢糧據收支現在備細數目
每上下半年申報行有年終類咨都省照驗所在官司
亦不得侵使違錯據合行四咨請照驗施行咨江淮行省先於
至元十九年五月浙東道奉據宣慰司石國秀并前亡
宋提管謝允孫石國祥樓性之告言畧為江東江西浙
東浙西四道諸路州縣學并杭州大學贍養田產約有
數萬畝自歸附之後諸生並無日請月逐飲食亦無
往來遊士春秋祭祀所用不多合于十分中撥二分贍

學公用餘外分田產獻納御位下充辦課程石國秀情
願出力勾當且認寶鈔三千定乞令石國秀等為學產
財賦提管府官仍免佃戶差役事當年八月都省行下
合屬照勘有無違碍施行及據各處辦明洞見情偽有
無紹興路學所申本學自前代建立以來即有養士田
土係與僧寺道觀產業相同即非其地係官田土之比
每年子粒不了支用在亡宋時官司於內且日撥公便
庫激賞贍軍庫都稅務官錢添助養士名曰四庫錢自
歸附後諸生口糧官職吏僕月糧止靠月糧支用不敷

自至元十三年照舊例行供十四年三月內准宣慰司
劄付令本學依寺觀例自行收支接續養士十五年二
月承宣慰司令吏鄭誠呈說前徃行省打勘檢照本學
養士米糧不可與係官糧解一般打勘准呈開除訖十
六年八月內准宣慰司行下再行定奪學官職事吏僕
月給諸生口糧數目十七年三月內准宣慰司定奪教
授訓導錢糧官正錄教諭糾彈掌儀吏僕人員月糧數
目十九年二月內准行中書省行下宣慰司存設教授
錢糧官正錄長諭等職本學每年所用係該准上司

行下即非擅自收支所有每歲支用項目除春秋祭祀
修造文廟外學官學職月有請糧諸齋生員日行二
簋遊學之人無所歸者亦日有以贍之月老者月給生
料幼學者日亦行供每遇好日祝聖廟望殿謁學官講
說諸生課試事事不敢廢弛即非無月請亦非無遊學
亦非無日逐飲食又如儒學提舉司所申杭州太學武
學宗學三處係前宋官庫每年撥錢米供贍即無田土
以此言之虛妄可知當蒙廟堂采聽公論獲申四道贍
學之田得存教養之初意

省臺復石國秀尹應元所獻學田

御史臺至元二十年月日咨該來咨三道俱為定奪江南等處贍學田產錢糧准此除已具呈中書省照詳外又准本臺御史中丞崔少中牒切為三代漢唐以至於宋皆立學以養士生徒多至數千置田築室官為營辦所以養成人材講明義理習禮讓之事消禍亂之源故識者以為急務有賤丈夫者不知此理徒見廣置田產以贍生徒遂欲奪而歸之官不知名教消亡所關者大江南三百年用儒不但科舉而已國都郡縣皆置學學

必有田少者官為增置使人得以養然後欣然向學化頑獷為循良此寔治民之上策况作成人材又可為國家之用兵火之後科舉已廢民知為儒之不見用也去儒而為吏為商甚至為盜儒風不去六七矣所賴諸處學田尚可養士猶可稍繫士心使之講明道義化誘風俗近有浙東宣慰司石國秀者獻江南學田辦課後有編民尹應元者獻江南學田賑濟貧民此二者素行無賴仇疾儒生欲奪養士之田而歸之官固出私意亦非長策若使學田歸官則生徒必散中人以下無所利則

不知勸絃誦寂寥廟祀無毀民不知禮義之教則恐益增其鄙悖之風俗薄惡何所不至見今江南嘯聚群起正緣官吏侵蠹士民失望若又顧蠅頭之利括儒學之田不惟官不能資助且使臣無所仰給失人心而犯眾怨人皆有憤憤不平之心是驅之使為不善已草賊寇攘將恐日甚所得不償所失大不忠于國家合將上項學田仍舊付各處學校以其每歲祖糧春秋釋奠修葺祠廟收養生徒講明義理以美風化以收人心彼知名教之樂必不肯為悖亂之歸生消變故永保太平其利

於國家豈止百萬頃學田之比者哉牒請照驗事准此一就具呈中書省定奪明降去後今承旨劄該部省炤得先撥本臺呈亦為此事都省議得江南贍學田產所收錢糧合令所在官司拘收數目明置文簿別行收貯如遇修理廟宇春秋釋奠朔望祭祀學官請給在學生員食供申覆有司炤勘端的依上支用若有耆宿名儒寔母依倚者亦于上項錢糧約量給付養贍毋令不應不應人員中間虛費錢糧據收支見在數目每上下半年申報行省年終類咨都省炤驗已經移咨江淮荆湖

等處行省昭會本處官司亦不得侵支違錯外合下仰
昭驗施行承此須合回咨請昭驗施行咨行臺先于至元
十九年十一月有前贛州通判擬授長江縣尹尹應元
呈都省言告畧欽奉朝廷指揮行下真定等處為說百
姓闕食給賜寶鈔事却緣河北道連年旱灾米麵價高
百物俱貴應元自江西來為見江西地面米只是三兩
錢糴一石麵只是五分鈔買一斤自從河北道以至大
都米麥增價數倍應元思忖得江南地面有貢士莊學
院養士錢糧若取索亡宋時租籍昭勘盡數拘收該錢

糧三百餘萬貫石主典人等埋沒隱藏一半有一半該
錢糧一百五十餘萬貫石若蒙朝廷取運賑濟飢民誠
為利便開具事目內一項畧云江南地面亡宋時路縣
各有貢士莊錢糧三年一番開選場齋發中選儒人作
盤纏赴省殿試等用到今九年未開選場其各路縣
貢士莊所收錢糧路計數萬貫石縣計數千貫石未有
歸者又一項江南地面亡宋時路縣各有學院養士錢
糧日給養贍儒人歸附後學官人等只是一年內支得
三四個月口糧與儒人食用餘止收貯在官到今七年

各路縣學院所收錢糧路計數萬貫石縣計數千貫石除支與儒人食用餘剩尚多未有歸着又言諸道所收上項錢糧動計數百萬貫石若將與學官人等埋沒受用及取勘官吏取授不如將救濟百姓乞差官將貢士莊及學院錢糧除寔曾支與儒人食用外盡數取運前來賑濟如有是學官人等及打勘官取授並行拘留作賑濟用度于內江西道貢士莊及學院錢糧應元稍知備細情願盡心勾當又言合無自至元二十年為頭將所有貢士莊錢糧既是未開選場且與收係官充濟民

用度候開選場別議給還呈乞施行至元二十年七月都省移咨江淮等處行中書省委請平章張榮祿參政已延于所指州縣取勘前項自歸附至今寔收糧斛曾無支發有此埋沒事八月二十九日又奉行省劄付將至元二十年錢糧另項收貯聽候毋得動支施行後據諸處辨明以為隨路府州縣學書院自至元十四年奉宣慰司指揮贍學田糧炷寺觀体例自行收支養士又奉節次省臺行下設立職員月給口糧儒士每月登堂會食至今遵守只以紹興路八縣言之院學即無貢

士莊名額先奉都省元行令止取勘各處學糧不增該將二十年合徵錢米另行收貯聽候亦無不得動支明文今行省却令聽候又本道宣慰司止憑處州路教授趙必定呈輒便行下各路將學糧催赴路倉另作收貯前後所行俱各不一及蒙臺省定奪得存其舊

革提舉司令文資正官提調

中書省至元二十一年十月初五日省掾高柔承行咨近為江淮見設提舉學校各路亦有設者此職與教授等學官其品級相懸於義未當兼南方府州軍縣學校

書院所在皆多若不立定學官員數及各分品級使高下合宜以備將來陞轉南方選到文儒之士可為後進師者何以處之以此送吏部與禮部翰林兼國史集賢院一同講究回呈該南方前進士可為師範者多兼所在學校書院俱有錢糧足以贍給使學校得人職業修舉作成人材以備他日選用其于治化本源所係甚重緣自歸附之後老成前輩恬于進取各處保充教官者其學問才德徃徃不厭人望近年以來一道既設提舉學校官各路又設提學與教授並為學官而下又有訓

導提點錢糧等職名不惟品級相懸于義未當而官冗人濫深不副上司崇重師儒樂育人材之意看詳隨路教授學正學錄師範後進作育人材撰述進賢表章考試歲貢儒吏品級雖輕責任甚重若非公選博學洽聞有德之士將見倖門一啟賢不肖混淆雖欲盡革前弊不可得已今據各道提舉學校官并訓導提點錢糧等職名並擬革罷仍令各處文資正官一員專一提調為此於今年閏五月十七日啟過事內一件江南管秀才的見設立着教授又設立提學學校兼管錢糧和爾郭斯為頭省官每根底商量來將重設提舉學校官罷了者錢糧教城子裏官人每管着這般啟呵今令旨那般者敬此都省除外合行移咨請照驗敬依令旨事意施行咨江淮行省

廟學典禮一卷

廟學典禮卷二

程學士奏重學校

集賢直學士少中大夫臣程文海至元二十三年二月
日奏臣聞國於天地必需材以為用而人材之盛非自
盛也今在國家養育之勤其衰也反是參之歷代可考
也國家自中統建元以來中外臣僚亦時聞表表偉傑
者皆自往時故老宿儒薰陶浸灌而然歷時既久以次
淪謝邇來晨星寥寥無几何矣臣不知更十餘年後人
物當如何瑣瑣也而主論者恬不知怪視學校為不急

謂詩書為無用不知人材盛衰張本於此蓋嘗有旨行
貢舉求好秀才上意非不悖切而委人輒陰沮之應故
事而集議凡幾作輟矣然則無怪乎選任之非才政治
之不理也今已至此後當若何臣愚欲望陛下明詔有
司重學校之事慎師儒之選京師首善之地尤當興建
國學選一時名流為國人矜式優以餼廩除以禮貌應
四方觀感有所興起而名都大邑教官有闕不但循常
例收庸人而已必使廷臣推擇可以為人表儀者條具
聞奏令有祿可養而不墮職比親民而加優視教化之

廢興為考第之殿最其諸生有明經行修者特與蠲免
賦役依已降詔旨施行臣望國家教育有力多士鼓舞
不倦他日隨取隨足無臨事乏材之歎天下幸甚伏取
聖裁

江南學田與種養

至元二十三年二月二十一日德仁府北裏鄂諾勒噶
察克台什里有時分奏過事內一件江南立學呵怎生
先屬學校的田地屬官也如今師父根底學文書的孩
兒每根底種養着吃的田地與他每呵怎生麼道有奏

呵那般者麼道聖旨了也欽此

左丞葉李奏立太學設提舉司及路教遷轉格例
例儒戶免差

至元二十四年二月十五日察察爾集賽第三日柳林
裏阿勒坦察察爾內衆學士做克埒穆爾齊葉李奏過
下項事理具呈中書省炤詳內一項該年時聖旨教道
省裏看條例去行得好的我行奏說來者臣看得丁酉
年八月二十五日先朝聖旨為名儒凋喪文風不振教
民間應有儒士收拾見數者儒人種田的納地稅買賣

的納商稅開張門面營運的依行例供例出差發其餘差
發仍行蠲免臣愚省得先朝創業之初猶以收拾人材
為急今日混一之後豈可不以設立學校為先年時已
有程文海奏立太學聖旨那般行者緣至今未曾設立
如今教設立呵宜的一般外道設立儒學提舉正副各
一員專一提調學官講習諸生經史講明治道若有成
材申太學呈省錄用有茂異之材申集賢院奏聞召用
外據各路教授都依在前正八品內一任回本等遷轉
所據儒人除地稅高稅外其餘雜泛差役並乞蠲免但

恐其間真偽不分侵占戶計教隨路提舉好生選試奏
 阿奉聖旨恁說的宜的一般那田地裏立太學合讀是
 甚麼書合設學官并生員飲食分例合立的規矩外頭
 設立儒學提舉去處寫出來我行奏著那時分我回言
 語欽此 至元二十四年二月二十日集賢院南北諸
 儒并衆官欽此聖旨節該講完學校事會議到下項事
 理具呈中書省 一國學前件議得監官四員祭酒一

員周正年司業二員耶律伯強硯伯固監丞一員王嗣
 能御史學官六員博士二員張仲安滕仲禮助教四員

謝奕教授周鼎童科靳春亨令史王載建寧教授監令史二名學

生元議二百人先蒙古五十人諸色目漢人五十人歲
 設一百二十人公選通文學人學舍比及標撥官地興
 以伴讀二十人充十五以上

蓋以後擬撥官房一所安置創建房舍講堂五間東西
 學官廳二座各三齋房三十間東西各廚房六間左右

倉庫房五間門樓一間生員飲饌每人日支麵一斤油米一升

鹽醋醬菜蔬柴炭炤例勘酌應付床桌什物鍋灶碗碟
 等物驗人數多寡逐一應付厨子二名僕夫一十人生員

各用紙劄筆墨官為應付本學各用經史子集諸書於

官書內開學產比及別行措置以來生員飲食并一切所需之物官為應付候置訖學田然後住支 一國子監監隸集賢院 文廟前件議得合行創建一所先立學校後蓋文廟大都撥地與國學一同興蓋 一外道學校儒學提舉司前件議得除迤北江淮路分隨各道按察司置司去處設立儒學提舉司提舉正副各一員提舉從五品副提舉正七品 一外道學校生員成材者申太學茂異者申集賢院聞奏區用前件議得教官從翰林院選擬呈省始會集賢院外處生員成材者申國子監若有茂異者提舉司申覆集賢院聞奏呈省區用 一儒戶免差事前件議得儒戶除迤北路分于至元十三年選試外據迤南新附去處在籍儒戶于內若有役充別項各色別無定奪其餘籍內儒戶除納地稅商稅外其餘雜泛差徭並行蠲免 至元二十四年閏二月初十日柳林飛放處奏過欵奉聖旨那般者了也欵此

學官職俸

江浙等處行中書省至元二十四年正月十七日劄付

該近准中書省咨該隨路教授學正學錄師範後進作
育人材謨述進賀表章考試歲貢儒吏品級雖輕責任
甚重非公選博學洽聞有德之士將恐倖門一啟賢不
肖混淆雖欲盡革前弊不得已今擬各道提舉學校官
并訓導提點錢糧等職名並擬革去各據文資正官一
員專以提調為此于今年閏六月十七日啟遇事內一
件江南管秀才的見設立着教授又設立提舉學校兼
管錢糧和爾郭斯為頭省官每商量來的重設提舉學
校官罷了錢糧教城子裏官人每管着這般啟了呵奉

今旨那般者敬此都省除外咨請照驗施行准此行下
各道宣慰司取勘到各路儒學教授正錄并書院山長等
各各職名數內多有所歷根脚淺短不經按察司體覆
濫設之人月請學糧錢數多寡不一省府議擬到除教
授祇受勅牒外本學合設正錄直學并書院山長縣學
教諭各各數員所受文憑隨月請學糧錢數省府除已
開坐移咨都省照驗外合下仰照驗據濫設不應之人
截日盡行革去前項額定人員以勾當三年為滿如是
關員選保德行才能曾得鄉漕薦舉堪為後進師範者

本路行移本道按察司委便體履相應回准公文然後備申本道宣慰司轉呈省府昭詳定奪毋得濫行保舉的委本路文資正官不妨本職兼行提調本學見在錢糧一應官物從寔依公銷用每委開坐見在銷用備細數目呈省毋致非理侵欺借貸違錯路設教授係祇受勅牒人員月請學糧五石鈔五兩省委相副教官比及換授以來權充學正員數月給學糧三石鈔三兩學正俱受行省劄付月請糧米三石鈔三兩有省委副教官處設一員無省委副都官處二員學錄二員

如直隸行省祇受省劄如宣慰司所轄祇受本司劄付每月請糧米二石鈔二兩直學二員止受本路劄付月請糧一石鈔一兩掌管學庫田產屋宇書籍祭器一切文簿并見在錢糧凡有收支並取教官正錄公同區處明立案驗不得擅自動支諸州散府教授係祇受勅牒人員月請糧米五石鈔五兩學正一員受行省劄付月請糧米三石鈔三兩學錄一員直隸行省去處受本路付身如宣慰司所轄受宣慰司劄付月請糧米二石鈔二兩直學二員受本路付身月請糧米一石

鈔一兩 書院山長二員祇受行省劄付月請糧米三石鈔三兩 縣學教諭許設二員止受本路劄付月請糧米一石五斗鈔一兩五錢

學校事宜儒戶免差贍學糧子

尚書省至元二十四年四月咨該至元二十四年閏二月初十日奏在先為設主學校的事于二月十五日奏奉聖旨怎說的且的一般這裏那田地裏立太學合讀甚麼書合設學官并生員飲食分例合立的規矩外頭設去儒學提舉去處寫出來我行奏者那時分我回言

語這般聖旨有來欽此今與翰林院裏集賢院裏有的衆的每一同商議定下項各定奏的事理這般奏呵那一般者麼道聖旨了也欽此都省除外據下項事理合行移咨欽依聖旨事意施行 一外道設立儒學提舉司除迤北外江淮等處十一道各立儒學提舉司提舉正副各一員提舉從五品副提舉正七品前件除外仰照驗施行 一外道學校生員成材者申太學茂異者申集賢院教官從翰林院選擬呈省照會集賢院外生員成材者申國子監若有茂異者提舉司申覆集賢院

聞奏呈省區用前件除外仰欽依施行 一儒戶免差
事議得儒戶除迤北路分于十三年選試外擬照南新
附去處在籍儒戶于內若有投充別項名色者別無定
奪其餘籍內見有的儒戶除納地稅商稅外其餘一切
差徭並行蠲免前件除外仰欽依施行 一贍學糧子
事議得江南學校贍士田土欽依至元二十二年二月
內都省奏准聖旨與了秀才除欽依外乞從各道儒學
提舉司點檢毋令教授濫支上下半年免行供報行省
宣慰司總管府前件除外仰欽依施行 咨江淮行
尚書省

儒職陞轉保舉後進例

中書省至元二十四年二月咨該吏部呈近承奉中書
省劄付擬府州儒學教授准正九品任滿在歷路教一
任准從八品滿日給由赴部於本部遷轉若學正止歷
一考即陞教授員多闕少似有空碍今擬各路教授三
年為滿依例遷轉須歷兩任所據隨路教授遇有闕員
散府上中州教授歷一考之上者陞補散府上中州教
授有關之處學正歷一考之上者陞補學錄教諭有關
直學保選陞補並依例體覆申呈如未有闕員依舊勾

當遇闕依例陞轉似易為遷調其有年高德劭茂才異等之人不求聞達雖白身堪授教授一路一府者許牒按察司休覆相同將所業文字連申擬充教授不拘前例若越次委舉及選保不拘士行不精儒業令人代作之人從監察御史本道提刑按察司体完明白申臺呈省取問是寔所保人截日黜罷仍罪及當元舉主体覆官司似望教官得人作成優進以備他日選用奉此除遵依外近來各路將一考之上學正錄教諭往給由越例求仕及又行保舉白身之人抄錄文字一二篇申

部并翰林院遷用中間冒濫不無切炤平陽益都太原等路分轄州府一十餘處若將學正教諭人等依常調人員陞轉即日教授員多闕少泛濫保用不得其人何以作成後進為未便本部參詳學校風化之源必當慎擇師儒教育後進今來議得各路并府州教授別有遷調影下窠闕擬合令本路官司於所轄州郡教官內通行推選材德服衆之人牒委文資正官覆察相應然後行移本道按察司公坐出題試驗將親筆所業文字并察司的本牒文繳申省部移文翰林國史院再行考校

定奪其餘學正人等依舊守職若有茂才異等本處官
 司依例體覆具解令本人親身赴翰林國史院出題試
 驗保明開發赴部定奪倘有不應罪反舉官并體覆官
 如此似望革去濫保之弊乞照詳事得此省府進呈除
 外合行移咨請照驗依上施行

咨行
中書

江南儒戶免橫枝免差發

至元二十五年十月十八日察察爾集賽第一日奏過
 事內一件江南秀才做買賣呵與商稅種田呵與地稅
 者除外橫枝免不棟甚麼差發休與者麼道執把着的

聖旨索有俺高量的執把着的聖旨他每根底與呵怎
 生麼道奏呵那般着麼道聖旨了也欽此

尚書省十一
月咨江淮等

處行尚
書省

江淮等處秀才免差役廟學禁搔擾

至元二十五年十一月日皇帝聖旨據尚書省奏江淮
 等處秀才免雜泛差役事准奏今後在籍秀才做買賣
 納商稅種田納地稅其餘一切雜泛差役並行蠲免所
 在官司常功存恤仍禁約使臣人等毋得於廟學安下
 非理搔擾准此

取勘貢士莊田糧

至元二十五年八月日皇帝聖旨諭各處行尚書省行御史臺行大司農司行宣慰司按察司儒學提舉司應管公事大小官吏軍民諸色人等據尚書省奏江南人處訪聞得江淮等處未附以前諸學並有貢士莊田產所出租課專一養育有學問士人等津遣赴舉秀才用度歸附以後所收租課本管官司并主學人等黃緣侵占今四方多學之士悉歸京師上項租課與其無用之人冒濫支用若選官前去自至元二十三年為頭從實

取勘除修理文廟丁祭并提舉司學官及額設生員等年例銷用外其餘數目盡數起運京師以備養育四方賢才用度准奏今差官前去並仰依上施行准此

解發各學餘贖糧赴國子監養士

至元二十五年十一月二十八日察察爾集賽第一日奏過事內一件江南亡宋時秀才每根底做糧食與了田土田畝的租子他每吃剩下的擬掠廟宇時分祭了的時分有用來至今說的人也無有人也無屬他處底田地多有那的每根底俺根底集賢院裏來的人去打

算道來在前過了的年分不打算從至元二十三年至
今交打算了出來了的那裏底秀才每根底斟酌量用
外的交將來集賢院官人每分付與這裏有來才藝人
每根底秀才每根底交與呵怎生麼道奏呵那般者麼
道聖旨了也欽此都省先據集賢院呈乞取勘江淮等
路貢士莊及贍學田糧自至元二十三年至今除各學
年例銷用外餘在糧斛回易作鈔解送國子監不為常
例津助生員以此都省奉降前件事理

學官格例

尚書省至元二十五年十二月日劄付該提翰林國史院
呈奉省劄該御史備行御史臺咨准侍御史程嘉
議牒并禮部備主事廳呈江淮并迤北教官格例至元
二十一年翰林國史集賢院例甚為詳備若准所呈似
為長便即與集賢院一同議擬呈省承此本院與集賢
院官一同議擬到下項事理呈乞照詳事都省准擬另
行外合下仰照驗施行 一御史臺呈備行臺侍御史
程嘉議牒該吏部定到教官格例即日員多闕少泛濫
不無若有茂才異等之人本路具解本人赴翰林院引

試得此始得江淮教官員多闕少若止令依上例保舉特免親身前赴翰苑引試似為便當今擬到江淮迤南選取教官格例宜准御史臺所擬開坐于後 一前進士人員從本路學校公衆推舉士行修潔可充教授者具解本人年甲籍貫於何年某人榜下登科曾無歷仕的是正身保甲本路總管府移牒按察司體覆相應今本本路繳連的本牒文体覆合于上司移咨都省依例施行除另設立提舉外據教授等官員數並依至元二十一年省部定到格例施行違上別無定奪 一不係前

進士人員若有學問該博年高德劭為衆所推堪充教授者依上公衆保舉經各道提學同本道按察司文資正官公坐出題當面引試所背經賦各一本全篇考核文理優長中程式者繳連的本并按察司公文用印封銓令總管府保結申覆合于上司除所試程文或本人別有所業文字並許繳呈依上移咨部省照例施行似為允中不如依格者別無定奪 一學正學錄已以始依至元二十一年例選補至考滿當陞教授者依上保舉體覆引試呈文依例施行違上別定奪 一禮部備

主事廳呈該吏部定到教官格例一該各路府州教授有關令本路官司于所轄州郡教官內通行推選才德服衆者充今來議得若以此為例則是甲處教官不得充乙處教官丙處教官不得充丁處教官或本路教官內或有應補而未及滿者或久任考滿者而例不應補并不堪推選者則教官名闕終當曠廢而不補矣一該其餘學正人員依舊守職今來擬得此等人員中間豈無才德可充者若令依舊守職即是常川不得遷調誠恐淹滯才能前件議得江淮迤北路分目今不設

提舉無人考校試驗宜准禮部呈所令本路衆公推選士行修潔文學該博堪充師範之人令本人親筆錄寫所業經義詞賦詩文一十篇為額內詩不過五篇准本道按察司體覆相同回牒開寫本人才學行寔本路將的本牒文并所業文字用印封緘張縫粘連在前照依二十一年吏部禮部同翰林國史院定到教官員數陞轉格例學正學錄教諭保結申禮部外府州教授路教授保結申吏部挨次保舉白身保充學錄教諭一考陞學正學正一考陞府州教授府州教授一考陞路教授今

後立定教官非備員而已並令開設學校訓誘諸生作
養人才似為允當一切違上格例保舉者別無定奪
一該若有茂才異等本處官司具解令本人親身赴翰
林院試驗今來議得既是茂才異等之人寧肯親赴翰
林院試驗倘有赴試之人必非茂才異等如此甚失尊
賢禮士之誠參詳學校之官若該以選法拘鈐則僥倖
貪進之人固宜遏抑而恬退碩學之士必不屑就矣然
省部累行雖有黜退非才罪及舉官之人終是回循不
曾舉行大抵有司守法既謹擇人既精則學校庶可興

矣今後擬合沿依二十一年都省令翰林國史集賢院
吏禮二部定到學官格例施行仍劄付御史臺遍行各
道按察司監察御史責成六事如有選舉不應及陞轉
不依例而冒濫申覆者將本處學官并覆察官必須嚴
加責罰本部參議學官格例二十一年翰林國史集賢
院定立甚為詳備若准本廳所呈似為長便 前件議
得知准禮部所擬若有高年德劬學問該博恬退自處
不求聞達堪一路一州教授者並仰本路詢問推舉
錄寫所業文字孝廉行寔移准本道按察司體覆相同

再行移牒按察司覆察是寔本路依上粘連所業文字
并二次体覆牒文保結申部許補教授似為允當違上
格例保舉者別無定奪 大都路不隸按察司去處遇
有保舉教官亦仰依上推舉保結申覆合于部文呈省
行移御史臺令監察御史体覆申臺呈省施行違上格
例保舉者別無定奪一越次妄舉及推保不拘士行不
精儒業令人代作文字之人從監察御史本道按察
司体完明白申臺呈省取問是實罪及元舉官及体覆
官一江淮諸行省今後咨到保舉試驗合格人員誠

恐選部員多闕少擬後省年挨次月日籍記姓名遇
有闕處照依次第差注江淮迤北亦依此例劉付御史臺

文廟禁約搔擾

尚書省至元二十五年月日據樞密院呈准中奉大夫
同簽樞密院事咨照得至元二十三年欽奉聖旨差往
江南等處尋訪行藝高上人員所至時有教官士人告
稱諸官吏及諸管軍官吏等多於路府州縣學舍命妓
張樂喧囂褻慢習以為常無敢誰何甚失國家崇學重
道之体今有新授潭州路儒學教授林應龍慶元路儒

學教授吳宗彥嘉興路儒學教授唐林亦皆稱所在學舍多有似前不知禮法之人乞加禁戢庶得專教養之事肅風化之源以此檢會到中統二年聖旨節文宣聖廟國家歲時致祭諸儒月朔釋奠宜常令洒掃修潔今後禁約諸官員使臣軍馬毋得於廟宇安下或聚集理問詞訟及褻瀆飲宴管工匠官不得於其中營造違者治罪管內凡有書院亦不得令人搔擾使臣安下欽此咨請照驗施行准此本院看詳應大小管軍官吏隸本院掌管除已約束外其餘官吏合行具呈尚書省照

詳移咨各處行省通行所屬出榜禁治施行都省除外合行移咨通行所屬出榜禁治施行

咨江淮行尚書省

儒人免役及差設山長正錄直學詞訟約會

江淮等處行尚書省至元二十五年十二月二十日准思政承行劄付該來呈本道儒學提舉司行移淮東浙西儒學提舉司會驗下項學校格例乞照詳事得此省府照得本道見呈與省府元議相同合下仰照驗行下合屬依上施行一儒戶除納稅糧外和買和賣倉場庫官大小科差並從除免前項議得儒戶教官各處自有

簿籍仰本司行下合屬取勘見數籍名置冊却不得將
 不係儒戶動搖違錯 一儒戶保明生員除山長學正
 呈省定奪外其餘學錄直學以下人員並存本司存設
 乞焯詳前項議得依准所呈 一管民官司凡有詞訟
 不行約會擅行勾捉驚嚇老小事前項議得儒戶除犯
 奸盜一切所犯重罪并催征稅糧有司理問外其餘詞
 訟約會一同歸問 劄付浙東
宣慰司

差設學官學職

浙東道宣慰使司至元二十六年八月二十日劄付焯

得至元二十五年七月十一日據浙東道儒學提舉司
 申會驗早司近于至元二十四年十二月十九日開司
 所據合行事件未有定例焯得淮東道儒學提舉司已
 曾講究到學校事理呈奉江淮等處行尚書省劄付准
 議了當為此移開本司會驗去後于五月二十二日回
 准開該今將本司合行事件逐一開坐如後請焯驗施
 行事准此又照得本司先為開設衙門未有定例移准
 浙西道儒學提舉司牒該至元二十四年十二月二十
 二日承奉浙西道宣慰使司劄付該近據來申各路儒

學學正山長從卑司選保申按察司體覆相應申宣慰使司保呈省府出給劄付學錄保申宣慰使司給付直學教諭乞從卑司于相應人員內差擬免行體覆乞照詳事得此具呈江淮等處行尚書省劄付該省府准呈合下仰照驗施行承此使司除外仰炤驗依奉省劄付內事理施行承此當司除已依上施行外牒請炤驗事准此卑司今將會到各道儒學提舉司學校合行事理申乞照詳明降事開坐到數內一項昨來至元十七年設立各道儒學提舉司承奉宣慰使司劄付備奉行中

書省劄付該應儒學大小事務並從儒學提舉司掌管所有日前總管府並免提調至元二十一年因革罷提學之後儒學事務仍歸各路府州司縣提調所差設職員並從體覆今既復設儒學提舉司見欽奉聖旨應外道學校生員成材者申太學茂異者申集賢院聞奏呈省區用並從隨道儒學提舉司保申所有體覆一項委為重叠除學正山長比擬路教資次儒學提舉司保明呈覆上司轉呈行省出給劄付外其餘學錄縣學教諭以下炤在前體例並從儒學提舉司出給付身差役

並免體覆似與近詳條畫相應及諸齋合設長諭各一
鈐束諸生申乞照詳明降施行今奉省府議得依准所
呈前件本司奉此除已行移咨處路府州縣及合屬儒
學書院依奉省劄內事理施行外乞照驗事得此使司
照得先於至元二十四年十二月二十一日承奉江浙
等處行中書省令史張新承行劄付為學官格例事該
省府議擬到除教授祇受勅牒外據本學合設正錄直
學并書院山長縣學教諭各各員數所授文憑月請
學糧鈔數省府除已開坐移咨部省始驗外合下仰照

驗據濫設不應之人截日盡行革罷前項額定人員以
勾當三年為滿如是關員選保德行才能曾得鄉漕荐
舉堪為後進師範者本路行移本道按察司委自正官
體覆相應回推公牒然後備申本道宣慰司轉呈省府
照詳定奪數內開坐到路設教授係祇受勅牒人員省
委相副教官比及換授以來權准允學正員數學正俱
授省劄有省委副教處設二員如直隸行省祇受省劄
宣慰司所轄止受本司劄付書院山長許設二員抵受
行省劄付教諭許設二員止受本路劄付為此具呈省

府焯詳去後至元二十六年二月二十七日承奉江淮等處行尚書省令史崔思政承行二十五年十一月二十日劄付來呈本道儒學提舉司移行淮東浙西儒學提舉司會到下項學校格例乞明降事得此省府照得本道見呈與省府元議相同合下仰照驗依上施行開坐到數內一件儒學保明生員除山長學正呈省定奪其餘學錄直學以下人員並從本司差設乞明降事前件議得依准所呈奉此照得省府元議如是關員選保德行才能曾得鄉漕荐進堪為後進師範者本路行移

按察司體覆相應學正俱受行省劄付學錄如直隸行省祇受省劄如宣尉司所轄止受本司劄付山長祇受省劄教諭止受本路劄付其儒學提舉司會到淮東提舉司例呈准省劄差設職員並免體覆學正山長從提舉司保明申覆上司轉呈行者出給劄付其餘學錄教諭以下並從儒學提舉司差設及不見學職人員合無依例體覆又不見設立儒學提司有無定到格格例為此再呈省府焯詳去後今奉省府劄付該未呈本道儒學提舉司申近於至元二十四年十二月十九日開司

所擬合行事理未有定例得此切詳記立提舉衙門合
 從本司選保相應人員申覆炤依省府元議事理施行
 得此炤得先擬來呈亦為此事為此炤得至元二十四
 年八月內擬淮東儒學提舉司申開具到所行格例一
 項省府議得山長學正呈省定奪外其餘學錄直學以
 不從儒學提舉司差設已經行下照驗本司去訖今據
 見申合下仰照驗照依已施行事理施行奉此使司除
 外合下仰照驗依上施行劉付儒學提舉司
 正錄不與教官連署

國子監至元二十六年九月二十日令史張瀛承行指
 揮近據淮西道儒學提舉司申據巢州等處學正朱庭
 槐等呈本學應行文書炤依江浙例正錄與教官一同
 簽押乞明降事件此炤得省部定到教官格例節該學
 正學錄不得連銜簽署文簿府州並各處書院准此直
 學掌管本學田產屋宇書祭器一切文簿并見在錢糧
 凡有支發並聽提學教授公議區處明立案驗不得擅
 自動支違者從教授申覆本處官司截日黜罷事除外
 合下仰炤驗行下合屬照會施行毋得亂行申覆下浙東道

儒學提舉司

儒人公事約會

尚書省至元二十六年月日咨該集賢院呈據浙東儒學提舉司申到事內一件各道儒學提舉司管領儒人但有公事與管民官司相關者管民官司並不問事理輕重徑直勾攝泛行搔擾深為未便擬合炤依諸衙門體例一同約會為此送國子監議擬去後今據准呈儒人遇有公事除犯奸盜從有司歸問外其餘一切事務並從約會呈乞炤詳事本院參詳若准所擬相應送禮

部照驗議得合准集賢院所擬乞照詳事都省准呈除

外合行移咨照會依上施行咨江淮行尚書省

分揀儒戶不可輕易

國子監至元二十六年正月初二日令史鄭溟承行指揮承奉集賢院判送浙東道儒學提舉司申炤得各路府州縣學官山長人等不能盡心致使豪富不文之人經營入籍規避差徭乞令按察司委係名儒分揀選國子監議得不可輕易紊亂呈奉到集賢院劄付議得依准所擬施行奉此合下仰照驗施行

集賢院至元二十七年二月日劄付該提司直司呈該
 承奉尚書吏部符文承奉尚書省判送本院元呈奉省
 判集賢院呈浙東道儒學提舉司申江南各路學正山
 長學錄受院監付身三十個月為任滿給由依例遷轉
 國子監擬始得省部定到江淮教官所受文憑部該學
 正受行省劄付學錄受宣慰司劄付奉此即目南北教
 官從監官考校定擬凡今後江淮迤南教官從本路儒

廟學典禮二卷

廟學典禮卷三

正錄任滿給由

集賢院至元二十七年二月日劄付該提司直司呈該
 承奉尚書吏部符文承奉尚書省判送本院元呈奉省
 判集賢院呈浙東道儒學提舉司申江南各路學正山
 長學錄受院監付身三十個月為任滿給由依例遷轉
 國子監擬始得省部定到江淮教官所受文憑部該學
 正受行省劄付學錄受宣慰司劄付奉此即目南北教
 官從監官考校定擬凡今後江淮迤南教官從本路儒

學公衆推舉保申各道提舉司就便依例行移按察司
體覆相同然後從儒學提舉司考較所業文字循例定
擬職名學正申行省學錄申宣慰司就便出給劄付外
三十個月為考滿依例給由一節若從本司所擬相應
具呈炤詳為都堂鈞旨送吏部疾早照擬連呈奉此本
部議得儒學教官例從集賢院定擬所據江淮道南學
正錄給由事理叅詳擬合照依教授例候得替依例給
由相應呈奉都堂鈞旨准擬送吏部行移炤會施行奉
此除外者部合下仰炤驗施行承此本司呈乞炤驗事

得此使院合下仰炤驗更為行下合屬照會施行劄付
監

江淮擬設學官員數及陞轉格例

集賢院至元二十七年三月日劄付該據司直司呈奉
尚書吏部符文該來呈江淮擬設教官員數節該散府
諸州并各處書院擬設教授學正學錄員學各一員又
炤得陞轉格例散諸府州并各處書院教授擬正九品
依上選注以三年為一任遷充各路教授無關止於本
等窠闕內更歷一任依例於從八品司縣官內選用呈

乞照詳事得此即不見各處書院自幾年分額設教授以後緣何不曾差設及各處書院應設法處難便施行合下仰照驗依上行移照勘明白擬定開坐呈部事承此呈乞照詳得此使院合下仰照驗依上炤擬開呈

國子監

隨路府州縣尹提調儒人功業

江淮等處行尚書省至元二十七年八月日劉付開坐各項條目數內一項檢會應承上司格例條具到合行事理數內一款所轄等處多有豪富勢要兼并之家往

往托以儒戶為名厚賄構結有司官吏苟避差徭不當戶役因而靠損貧民誠為未便今後摘委隨路府尹并府州縣尹不妨本職提調照勘所管在籍儒人見數榜示姓名每月上下半月一次考較各各所習功業能通文學者依例免役如有怠惰荒廢不通文學之人即仰開申省府定奪與民一例差役如有不法官吏因而取受錢物依前影庇妄作儒戶不當差役許讀人陳告敢問是寔一体治罪

劉付紹興路總管府

不許變賣學舍

行御史臺至元二十七年十月十八日劄付據察院呈揚州在城宣聖廟學舍東西兩教授廳屋二所及先儒鄒道鄉先生祠宇一所于內四栢亭等係道鄉先生分教路學手植四栢建亭經今三百餘年今有上司委官同錄事司將上項房屋等丈量出賣參詳先儒祠宇教授兩廳房屋即與其餘係官房舍不同若令出賣似于崇儒重道之意有所未盡乞炤詳及據江北淮東道提刑按察司申亦為此事得此憲臺看詳各處文廟有司相洽交割理當增修以宣風化若與其餘無用房舍一例出賣所得不多有傷治體寔甚伏慮省府不知呈奉到江淮等處行尚書省劄付該省府相度既是文廟房舍有司不應一例供報發賣除已劄付淮東宣慰司行下合屬炤勘存留外可炤會施行承此合下仰炤驗施行

按察副使王朝請候申明體覆

行御史臺至元二十七年十二月二十一日劄付該來申該淮分司巡按官副使王朝請牒該炤得上司元行格例江淮教官從儒學公眾推舉保申儒學提舉司依

例行移按察司體覆相應然後提舉司考較所業文字
 循例定擬職名山長學正申行省學錄申宣慰司出給
 劄付各縣教諭提舉司委付今體知得儒學提舉司保
 用教官多不行移體覆或於已差之後才方移文中間
 不應者往往有之得此始得免勵學校宣明教化乃風
 憲所掌學校之官苟非其人教化何由而生雖加勉勵
 亦無所益合下仰始驗教授山長始依定例體覆外據
 學正學錄教諭等職今後須憑鄉曲善士同荐舉文行
 兼備眾所敬服可為後進師範之士提舉司保給移文

提刑按察司牒文資正官體覆如是相應准回文方許
 委用至於府州儒學司計直學之類宜從公堂選舉本
 學保申提舉出結付身委付巡按官到彼體覆若有不
 應就便改正施行

劄付浙東提刑按察司

教授給由

至元二十七年二月江西行省准尚書省咨集賢院備
 國子監呈淮西儒學提舉司申若有學正教授考滿給
 由承審申覆使監唯復申覆本道宣慰司事本監始得
 先承奉集賢院備尚書省劄付本監掌管學校定擬南

北儒官江淮處等儒學提舉司並隸本監管領奉此又
 炤得各處儒學提舉司所轄俱各掌管學田錢糧每年
 造冊申監呈院今本監議得既江淮各道儒學提舉司
 學田錢糧隸本監所管所據教授考滿給由擬合依例
 申覆本道宣慰司另申國子監呈集賢院炤勘似為便
 當本院叅詳准擬相應得此送吏部炤擬得除腹裏教
 官別無掌管學田錢糧擬合依舊給田申覆有司外江
 南儒學教官如有干碍學田錢糧事理合從集賢院所
 擬其餘若叙等依例從合屬給由行省移咨都省送吏

部定奪如准所呈乞行炤會得此都省准擬咨請依上
 施行

各路歲貢儒人

至元二十八年三月日命鄂勒哲依為右相將到聖旨
 政條內一款南方儒人若有隱逸德行文章政事可取
 者具依內郡體例各路歲貢一人朝廷量核錄用

學校官考較儒人功業府州縣文資正官提調

江淮等處行尚書省至元二十八年二月初四日令史
 楊仁承行劄付該據行御史臺呈備浙東海右道提刑

按察司申該分司巡按官牒該近知婺州路總管府阿爾善承宣慰司劄付備奉江淮等處行尚書省劄付該多有豪富之家托以儒戶為名苟避戶役靠損貧民今後摘委府州縣尹提調每月上半月考校儒戶功業能通文學者依例免役如有怠惰荒廢不通文字之人申省定奪與民一体當差有阿爾善總管轉委婺州閑人趙亦李前來婺州東陽任留月餘空被干煩於事無益看詳江南儒戶數內豈無托名苟避戶役之人若每月二次委官考課非徒不能別其真偽但恐反有所擾

况色目官員不通文學若今提調儒戶功課似非所長乞炤詳事得此炤得各處儒戶近經抄數其籍已定今後民間雖有僥倖欲避役者無從可入若將提調色目人員革去及上下半月考校之事權行住罷似免學校搔擾呈乞炤詳施行得此炤得至元二十三年准中書省咨該隨路教授學正學錄師範後進作成人才撰述進賀表章考試歲貢儒吏品級雖輕責任寔重若非公選博學洽聞有德之士將見倖門一啟賢不肯混淆雖欲盡革前弊不可得已擬各道提舉學校官并訓導提

學錢糧等職名並條草罷仍令各處文資正官一員專
一提調為此至元二十一年閏五月十七日啟過事內
一件興起江南官秀才的見設教授又設提舉學校兼
管錢糧和爾郭斯為頭省官每商量來將重設提調學
校官罷了錢糧交城子裏官人每管着這般啟呵奉令
旨那般者欵此都省除外咨請炤驗施行准此已經行
下各處炤會去訖又炤得先為所轄去處多有豪富勢
要兼并之家往來托以儒戶為名厚賄備結有司官吏
苟避差徭不當戶役因而靠損貧民未便以此摘委府

州縣尹不妨本職提調每月上半月一次考校能通
文學者免役不通文學之人與民一体科差行下各處
依上施行去後不曾委令色目人員考校今據見呈照
得抄數戶口已定咨准都省明文該議得江南儒人比
及選試分揀定奪以來將歸附之初元籍內儒戶項下
作數續收儒戶收作為民又續准尚書省咨該歸附之
初有籍儒戶已擬作儒外據無籍儒人既有葉提舉續
置印押文卷合從行省查炤相同擬作儒戶准此省府
除外合下仰照驗今後止令學官考校依已行文資正

官提調施行割付紹興路總管府

按察副使王朝侯申請設立小學

浙東海右道提刑按察司至元二十八年三月日牒談

近准本道副使王朝請牒開坐儒學直行事理數內一

項今後各處儒戶子弟于學舍就師讀書若訓教不見

成效連及提舉司官教官事准此申奉到行御史臺劄

付該議得南方儒戶往往皆有門館或父兄自教若擬

一概將子弟拘之入學未知便與不便仰本道再行議

究施行承此行下經歷司再行講究去來回據狀呈該

講究得古者教人有序八歲入小學十五歲入大學小

學所以為大學之基本若于各路各縣學內設立小學

選請老成之士以聞循循善誘之訓惠至渥矣或自願

招師或自從其父兄令聽其便得此除外合行移牒請

照驗依上施行牒本司副使

抄戶局攢報儒籍始末

江淮等處行尚書省至元二十七年九月初十日劄付

欽奉聖旨節該抄數南北諸色戶計欽此行下各道隨

路欽依盡定抄數劄付本司令當該管吏賫本管儒戶

花名見住州縣村坊一應干炤文憑赴省趨報去後炤
得本司所管儒戶至元二十四年准尚書省咨數內一
款儒戶免差事理議得儒戶除迤北路分于十三年選
試外據迤南新附去處在籍儒戶內若有投充別項名
色別無定奪其餘籍內見有的儒戶除納地稅高稅外
其餘一切差徭並行蠲免又炤得至元二十六年二月
初六日國子監承奉集賢院劄付該奉尚書省劄付准
中書省咨奏奉聖旨內一款節該秀才每做買賣呵與
商稅者種田呵與地稅者其餘橫枝免不棟甚麼差發

休與者欽此議得江南秀才甚多若盡從供具手狀俱
作儒戶恐真偽難辨虛添數多擬合將歸附之初元籍
儒戶于儒戶項下作數外據以後續收儒戶即今科舉
未定合無于民戶內抄數為此移准尚書省咨該都省
議得腹裏儒戶至元十三年試中者止免一身差役所
據江南儒人比及選試分棟定奪以來得歸附之初元
籍儒戶於儒戶項下作數外據已後續收儒戶收係為
民合行移咨依例攢保行事准此省府除外合下仰炤
驗依上施行

劄付浙東道儒學提舉司

行省先准本省教化右丞咨

據徽州路申乞分揀儒戶事議乞驗歸附初籍將已後
續收儒人分揀為民咨請定奪行省議擬將歸附之初
元籍儒戶作數外據已後續收儒戶收係為民咨准都
省回咨遂有此行

儒戶照歸附初籍并葉提舉續置儒籍抄戶
尚書省至元二十八年正月咨准來咨欽奉聖旨即該
抄戶事欽此行下各道隨路欽依盡日抄數及將諸色
戶計名項移准尚書省咨文內一項議得腹裏儒戶至
元十三年試中者止免一身差役所據江南儒人比及

選試分選定奪以來將歸附初元籍儒戶于儒戶項下
作數外據已後續收儒戶收係為民准此已下各道隨
路并儒學提舉司依上施行去訖本省炤得各處歸附之
初儒戶元籍亦有有者有無者若依上將歸附之初無
元籍去處儒戶盡行收係為民其間恐誤籍內博學
碩儒及照得見據杭州路申先聖五十四代孫孔雷龍
饒州傳初庵歸附之初元籍內無各人姓名似難于民
戶內抄數如杭州路儒戶歸附之初止是有司憑據坊
里正人等一時具寫諸色戶計攢類籍冊經今多年其

間少有完全却有十八年葉提舉開立儒學衙門置到
儒籍莫若除有歸附之初元籍者依准元籍查勘若委
無歸附之初元籍去處合無覓此以後續置有印押堪
信文卷冊籍查勘攢報似望不致漏落差池咨請定奪
回咨施行事省部參詳歸附之初有籍儒戶已于儒戶
內作數外據無籍儒戶既有葉提舉續置印押文卷合
從行省查勘相同擬作儒戶相應部省准呈咨請炤驗
施行咨江淮等處
行尚書省
儒戶炤抄戶手收入籍

行省戶房至元二十八年四月初八日令史馬禧呈欵
奉聖旨節該抄數南北諸色戶計欵此行下各道隨路
欵依畫寔抄數及將諸色戶計移准尚書省咨文數內
一項議得腹裏儒戶至元十三年試中者止免一身差
役所據江南儒人比及選試分據定奪以來將歸附之
初元籍儒戶于儒戶項下作數外據已後續收儒戶收
係為民准此已下各道隨路并儒學提舉司依上攢報
去後回據浙西道儒學提舉司申備杭州路儒人謝丞
卿等連名狀告至元十八年方有受勅教授齋到印信

前來續有尚書省葉右丞充教授時置之冊籍令戶口局官吏不將葉教授等置到學籍查炤却將至元十四年臨安府供報戶計須知文冊指作元籍查對其間止稱張秀李秀王官人張進士並無三代備細名諱蓋緣止憑坊正卷長抄數不曾開會儒學炤勘以致爭差若止憑須知查對在籍儒人百不存一學校廢壞乞炤詳事得此本省炤得各處歸附之初元籍亦有有者亦有無者見據杭州路申先聖五十四代孫孔雷龍并饒州傳初庵歸附之初元籍內亦無各人姓名似難于民戶

內抄數如杭州歸附之初止憑坊里正人等具寫諸色戶數類攢冊籍其間少有完全却有十八年葉提舉開立儒學衙門置造儒籍莫若除有歸附之初元籍者依准元籍查勘若委無歸附之初元籍去處合無憑此已後續置有印押堪信文卷冊籍查報似望不致漏落差池移准尚書省若該送戶部照擬將歸附之初有籍儒戶已擬作儒外據無籍儒戶既有案提舉續置印押堪信文卷合從行省查炤相同擬作儒戶相應都省准呈移咨依上施行准此劄付監局總管李嘉議依上查炤

攢報去後回呈該元蒙省府發下各處歸附之初有司報省諸色戶計冊籍遂令各處儒學官吏一同查炤得於內多稱張秀才李秀才上舍進士官人比對今抄手狀姓名爭差不同如杭州九縣四司止有查同九十九戶江東信州一路查同四戶廣德一路查同二戶蓋是歸附之初官府草創止憑坊里正人等取到諸色戶數一歸應報須知即非儒籍子內亡宋登科發解真才碩學名卿士大夫多不在內又兼淮西淮東浙東等處別無報省須知冊籍若依各處學籍炤查除杭州路有至

元十八年葉提舉置到儒戶籍冊外其餘諸路儒籍多係縣教諭山長教授歸附後各年不等自行置到文冊俱各有首無尾中間增減改抹真偽不辨寔難憑信如蒙省府付棟定奪歸一勘信文憑查炤作數似望不致差池呈乞照詳事得此炤得至元二十四年准尚書省咨該至元二十四年閏二月初十日奏在先為設立學校的事于二月十五日奏聖旨你說的宜的一般這裏田地裏立太學合讀甚麼書合設學官并生員飲食分例合立規矩外須設立儒學提舉司去處寫出來我

行奏者那時分我回言語這般聖旨有來欽此今與翰林院裏有的衆老每一同商議定下項合行事理這般奏呵那般者麼道聖旨了也數內一款儒戶免差事議得儒戶除迤北路分子至元年十三年選試外據迤南新附去處在籍儒戶于內若有投充別項名色者別無定奪其餘籍內見有的儒戶除納地稅商稅外其餘一切差役並行蠲免又一款外道學校生員成才者申太學茂異者申集賢院開奏區用又一款外道設立儒學提舉司除迤外北江淮等處一十一道各立儒學提舉司

正副各一員提舉從五品副提舉正七品欽此已經通行了當為此議得比奉朝廷差官選試以來擬依歸附之初元籍并至元十八年葉提舉置到印押文冊及至元二十四年尚書省與翰林集賢院商議定奏奉聖旨各道儒學提舉司當時置到儒戶印信冊內遞相從實查照委係在籍儒戶權行作儒攢報于內若有投充別項名色別無定奪外據至元二十四年已後續收戶數收條為民移咨都省炤驗去後今據省委浙東道查戶官懷遠軍判高天祐呈浙東道在先不係葉提舉管領

別無本官置到十八年籍冊外至元二十四年二月十九日欽依聖旨設立儒學提舉司衙門署事當時行下各處學院炤勘儒籍俱各未曾報到其各處學官人等雖有齋到年月不等儒戶花名文冊多係縣學教諭山長歸附後各年不等俱各有頭無尾中間增減改抹真偽不辨寔難憑信炤得浙東道抄數南北人戶約計一百一十四萬儒戶止有八千七百二十四戶較之分数百不及一若將見抄儒戶權行損寫入籍聽候試驗似望早得完備又據浙西道查戶官懷遠軍知軍來從政

等呈備據平江等路儒學學正劉惟肖等狀呈儒戶事理至元十四年有籍歸附之初官司草創止憑坊里正人等應報須知作張秀才李進士官人此對今抄手狀姓名爭差即非儒籍寔難查炤至元二十四年設立儒學提舉司止憑各學官吏將到此在學行供人員供報提舉司禮上須知如平江一路狀元既登炳登科文肖翁發解長酉登范文正公子孫范士貴等此時或隱避山林或出仕他處或遊學遠方至元二十四年須知冊內俱無各人姓名其他各路如此者多若使憑准查炤

收係為民寔為未便炤得軍站等戶具有在先官定版籍所據江南儒戶歸附以來未經分棟別無一定籍冊難同其他諸色戶計一体查炤呈乞炤詳外據平江常州江陰建德湖州松江宜興等處儒學官狀告亦為此事得此今蒙省府官同議得江淮諸路軍站人匠打捕膺房制項戶計俱有在先奉到聖旨處分行省攢定印置籍冊所據儒戶歸附以來未經上司通行分棟雖有學官各年不等置到花名文簿其間少有完全如先聖五十四代孫孔雷龍饒州傅初庵衢州劉中齋及前賢

范文正公子孫亡宋登科發解真才碩學名卿士大夫多不在內以此看詳各路年月不等山長教授自行籍寫不完文冊似難憑准止合依據今次欽奉聖旨抄數戶計取到手狀入籍仍咨部省炤驗都事常裕員外范中高

郭簽省咨復揚總攝元占學院產業

江淮等處行尚書省至元二十八年四月榜文該准太省簽省嘉議大夫簽江淮等處行尚書省事咨該欽觀詔書開列條例務在更張舊弊思濟生民除已欽依奉

行外近体知得楊總攝等倚恃權勢肆行豪橫將各處
宮觀廟宇學舍書院民戶房屋田土山林池蕩及係官
產業十餘年間盡為僧人等爭奪佔據畧舉杭州太一
宮四聖觀林處士祠堂龍翔宮伍子胥廟紹興鴻禧觀
及潮州安定書堂鎮江淮海書院等處皆亡宋以前先
賢名迹江山形勝之地遠者百有餘年一旦皆被僧人
強行昏賴或稱先聖等基或云僧人置到不經官府陳
理一旦使力逐出業主將應有財賦錢糧等物據為己
有既得之後不為修理愛護拆毀聖像喂養頭疋宰殺

猪羊恣行蹂踐加之男女嘈雜緇素不分蔑視行省行
臺欺虐官民良善致使業主無所告訴又民間金玉良
豪子女皆以高價贖買以其貲財有餘奢淫無所不至
由此南方風俗皆為此曹壞亂近者罪惡貫盈幸而敗
露致蒙朝廷差官前來抄出楊總攝并首領官一切黨
與人等公私物件除在搬運他處外據金玉寶玩歌童
舞女不可勝數其貪縱無厭於斯可見擬合將在前僧
人強行佔據諸人房屋田土山林池蕩并宮觀廟宇學
舍書院炤依歸附時為主盡行給還元主寔副江淮民

望據此除外合行出榜曉諭者

都省押發各學錢糧

尚書省至元二十八年五月咨該據集賢院呈至元二十八年二月十九日呼圖克台集賽第一日本院官哲哩默司徒等奏在先奏奉聖旨江南取將來的二十三年至二十五年學田子粒等錢糧一萬三千定有零這錢裏頭與陰陽法師國子學生員吃的茶飯支來如今除支用外薄歛畢見在鈔一萬一千七百四十四定六兩六分三厘銀一百二十三兩七錢八分兩處解庫一

千六百定俺伴當每商量來集賢院裏不是管錢穀衙門都教分付與省家陰陽法師國子生員每吃茶飯依舊教省裏宣徽院裏應與呵怎生奏呵那看是也麼道聖旨了也欽此行下國子監炤勘到寔起已支見在銀鈔呈解前去乞炤詳事得此都省除外合行移咨欽依施行今後追到錢糧差人管押咨發都省施行咨江淮等處行尚書省

行省催覈歲貢儒人

江淮等處行中書省至元二十八年九月劄付該欽奉

詔書內一款節該南方儒人若有德行文章政事可取者其依內郡體例各路歲貢一人朝廷量才錄用欽此省府議得平治天下以人才為先作養人才以學校為本所以諸路設立教授專一教養生徒考較課業務在成才以備國家選用江南素稱多士自歸附以來國家設官教養已六十年矣宜得人才以應明詔經今數月諸路不見貢到德行文章政事之人以副朝廷任賢之意推原其由或是教授不盡心訓導或官民官有失振率或是教授不當其選曠廢教養又諸路提調學校官

止問錢糧不顧職守任責况兼諸路學糧專為養贍務學之人初非專私於教官今上項官員不能仰体上意虛費錢糧有負國家設立學校之盛德相度路府州縣承流宣化之官宜當勉勸學官開設學校每歲欽依詔書貢舉備選用外貢不盡生員如各處吏員有闕相參取用合下仰炤驗通行合屬仍移牒肅政廉訪司依上施行

劉付浙東道宣慰司

儒學提舉俸給

中書省至元二十八年十月咨該據江淮行中書省參

知政事燕公楠呈至元二十八年七月二十三日伊克集賽第二日錫保齊巴勒噶遜內裏有時分什巴爾齊特格特穆爾平章必齊齊納沁托克托大卿等燕參政的勾當商量了說者麼道聖旨有呵俺商量了奏呵達爾罕鄂托克齊塔瑪噶齊秀才等格卜什巴勒丹唐古特托音等商量者有麼道聖旨了也當日俺商量了內裏寢殿裏有時分特格特穆爾納沁托克托等再奏呵尋思了說麼道聖旨有來二十四日欽奉聖旨燕參政設的勾當聽了道是來省官人每根底說者麼道聖旨

下也欽此數內一件管儒人醫人的兩家提舉司教訓好人上位用者有管着這的每底好人委付者只於他每裏頭出來的錢物內與俸錢不動著官錢好人每也不生受道有俺商量得儒學提舉司有俸有醫學提舉司自前無俸錢醫人根底不須與商量來都省合行移咨請始驗欽此施行

咨江淮等處
行中書省

教官銓注免面試令各路定擬

中書省至元二十八年十一月咨據該御史臺呈准行御史臺咨備福建閩海道提刑按察司申據經歷遲嘉

從仕呈檢會至元二十七年十月二十九日承奉行御
史臺劄付備奉尚書省咨該集賢院呈各處陞充教授
裏運到所業文字豈無似儒非儒令人代作之者今後
應陞充教官人員令按察司體覆相同所業文字前未
赴院引試果有學問所業文字又中程式依議定例行
移咨部銓注事奉此照得至元二十七年十一月二十
四日准福建路牒呈該承奉福建等處行尚書省劄府
該准尚書省咨應求仕官員須要赴部省引驗遷叙本
省始得先准部省咨兩廣福建沿海城子官人五品以

下就便銓注切緣本省極邊重地開員去處於任滿得
替等官內擬注先令補闕勾當移咨尚書省奏除勅牒
若令離職赴都引驗屬及耽誤未便都省擬准施行奉
此顯忠看詳福建兩廣乃南鄙烟瘴重地五品以下收
民之官尚且不令赴部引驗何況有學寒儒焉能跋涉
梯航徘徊三萬里求一教官若不從優定奪誠恐英才
隱居山澤必有遺賢之嘆咨請照驗施行准此本臺呈
乞炤詳都省送吏部議據去後回呈該集賢院判送國
子監備國子監呈該始得本學近擬到監學可行事內

一件該近奉上司照會凡舉教授者皆令赴院引試相應然後許補以此看詳腹裏教官人員所遷甚少其所試者往往皆係江淮閩浙湖廣人員近者不下數千里遠者或至萬餘里格例既為年高德行不求聞達安肯跋涉山川備嘗險阻不顧義命爭一學官哉合無草去此端務令各路嚴加精選德業隆重學術老成為眾所服之人必然可為一處之教授者所在官司重行保舉按察使再三体覆相應依例定擬除授若有司守法既謹擇人既精是為得人之道矣為此已經開坐具呈國

子監轉呈上司昭詳去訖今奉事理本學參詳江淮南北儒學教授已有推選定例又欲面試似非所宜合行草去外據行省就便擬注先令補闕勾當一節合從省部區處得此本監參詳若准國子監所擬寔為相應具呈照詳事本部議得儒學教官已有推選格例今集賢院議擬草去回試與行臺所議相同外據行就便擬注先令補闕勾當參謀恐涉差池今後應陞教官人員令各路照依元定格例精選德業隆高為眾所服將親筆所業文字行移肅政廉訪司重行體覆相應定擬稟關

令集賢院考驗所業文字若中程式本部依例銓注如
 蒙准呈乞賜行移合屬照會乞炤詳事都省依准吏部
 所擬除已劄付集賢院炤會外咨請照驗依例施行
 淮等處行
 中書省

廟學典禮卷三





